

八番
共
四拾册

醫學綱目

卷之十四




醫學綱目卷之三十四

婦人部

婦人治法通論

大法

保婦人童幼天癸未行之間皆屬少陰天癸既行皆屬厥陰天癸既絕乃屬太陰經也治胎產之病從厥陰者是神氣生化之原也厥陰與少陽相表裏故治法無犯胃氣及上三焦為三禁不可汗不可下不可利小便若發汗者同傷寒下早之症利大便則脈數而已動於脾利小便則內三津液胃中枯燥制藥之法能不犯此三禁則榮衛自和而寒熱止矣外則和於榮衛內則調於清便先將此法為初治次後詳而論之見症消息同壞症傷寒為之緩治或小便不利大便秘結或積熱於腸胃之間或已成痿或散血氣而為浮腫蓋產理多閉故曰同傷寒壞症如發渴而用白虎氣暈而用黃芪血刺痛而用當歸腹痛而加芍藥



已上例症不犯三禁謂產後之久病也若產後暴病又不
可拘也如產後熱入血室者用桃仁承氣湯等藥胃
堅燥者大承氣不可以泄藥言也產後世人多用烏金四
物湯是不分四時之寒熱不分血氣之虛實盲然一槩用
藥如此而愈加增劇是誤也太抵產病天行則增損柴胡
雜症則加減四物又春夏從柴胡秋冬從四物藥性寒熱
病症虛實不可不察也四物湯常宜服餌今立四時增損
法于後

四物加減治雜病例

四物湯加減治婦人雜病

四物湯見下

春倍川芎

弦三日春二日脈

夏倍芍藥

脈洪三日泄

秋倍地黃

瀉三日秋二日脈

冬倍當歸

一日冬二日脈沉

若臍下虛冷腹痛及腰脊間悶痛宜玄胡六合四物湯
四兩玄胡苦練各二兩妙若小腹痛亦用玄胡六合

若氣滯經脈故月事頻併臍下多痛宜芍藥六合四物
湯四兩芍藥二兩 若腹中刺痛惡物不下加當歸芍
藥 若婦人血虛心痛腹痛不可忍者去地黃加乾
姜名四神湯 若血崩者加生地黄蒲黃 若血虛虛
令崩中去血過多加膠艾 若赤白帶下宜香桂六合
湯四物湯四兩桂枝香附各五錢 若以四物湯為末
煉蜜丸如桐子大空心米飲下三四十九丸治高年婦人
白帶良驗 若以四物湯四兩加甘草半兩蜜丸每兩
分作八丸酒醋共半盞用溫湯化下名當歸煎去敗血
生好血 若婦人血積者四物湯加廣茂京三稜桂心
乾漆各一兩 若婦人筋骨肢節痛及頭痛脈弦憎寒
如瘧宜治風六合四物湯四兩羌活防風各一兩 若
婦人或因傷酒或因產亡血或虛勞五心煩熱者宜四

物二連湯四物湯四兩生地黃生黃連胡黃連各一兩
 若婦人骨蒸加地骨皮牡丹皮若婦人傷寒汗下
 後飲食減少虛者宜入物湯四物湯四兩黃芪甘草茯苓
 苓白朮各一兩
 凡婦人百病只四物湯加吳茱萸前若陽藏少使茱萸
 陰藏多使茱萸無不效者
 右加減雜病例

四物加
戒治胎
前例

若保胎氣或存乎四物與硝砂四君子湯各半名八珍
 湯若妊娠胎動不安下血不止者加艾十葉阿膠五錢
 葱白黃芪四物湯加減治妊娠傷寒名六合湯方一十
 五道方見傷寒部四物湯加減調經方七道見調經部

四物加
治產

右加減治胎前病例
 若產後一月內惡物積滯敗血作病或脹或痛胸膈脹悶

後例

或發寒熱四肢疼痛加延胡索沒藥香白芷與四物等分
 為細末淡醋湯或童便調下若血風於產後乘虛發作
 或產後傷風頭痛發熱節疼痛加荆芥穗天麻香附石
 膏藿香各二錢半四物料共一兩中加之水煎服
 若產後虛勞日久而脈浮疾宜柴胡四物湯

- 川芎 熟地 當歸 芍藥
- 加柴胡 人參 黃芩 甘草
- 半夏 麩 各三錢 右吹咀水煎服

若產婦諸症各隨六經以四物與仲景藥各半服之其效
 如神

去血用
芎歸

芎歸湯治一切去血過多眩暈悶絕傷胎去血產後崩
 中去血拔毒去血金瘡去血不止者塞頭欲倒悉能治之
 當歸 川芎 各等

右每服五錢水煎服不拘時 若產後眩暈加芍藥
 產後腹痛不可忍加官桂童便酒浸 娠娠子死或不
 死胎動酒水合煎即下未死者即安 若虛損腹痛少
 氣頭眩自汗每服加羊肉一两生姜十片水煎 若臨
 月服之則縮胎易生 若室女婦人心腹疝痛經水不
 調水煎服 若娠娠胎氣不安產後諸疾酒煎服 若
 難生倒橫子死腹中先用黑薑一大合炒熟與小便合
 煎服 若難產用百草霜香白芷等分童便好醋各一
 沸湯浸服甚者再服即分挽矣 若傷穢毒每服加槐
 花末五分三白取下血塊即愈若吐血亦服此 若血
 氣上喘下腫空心煎艾湯調下 若產後惡血注心迷
 悶喘急腹痛依前用黑薑加生薑自然汁煎服 若產
 後頭痛加荆芥 若崩中漏下失血不止加炒香附每

虛勞用六合

思常服聚寶丹

六去

兩入甘草一錢沸湯點服 若有白帶者加芍藥二兩
 乾姜等分米飲調下
 保諸六合治婦人常病及產後常用之藥 治婦人虛勞
 局方中謂首尾六合如大聖散熟地黃丸是治無熱虛勞
 也中道藥牡丹煎丸空心食前入參荆芥散臨臥食後通
 治有熱虛勞也 大聖散熟地黃丸入參荆芥散牡丹煎
 丹婦人以血為主血屬陰易於虧欠若非善調攝者不能
 保全也神仙聚寶丹治血海虛寒虛熱盜汗理宜補養琥
 珀之燥麝香之散可以用乎面色痿黃肢體浮腫理宜導
 濕乳香沒藥固可治血可以用乎胎前產後虛實不同遂
 敗養新攻補難並積塊堅癥赤白漏崩宜於彼者必妨於
 此而欲一方通治可乎世人以其名貴名雅又喜其常服
 所以安神去邪令人有子殊不知久服者無不有禍自非

藏府能言醫者終不知覺及至變生他病何曾歸死此丹
予姪女形色俱實遲於得字久服此丹癰發於其症候甚
危脉散大而瀉急以四物湯加減百餘貼而安

調經 經閉 血崩

大法

丹經水或紫或黑論 經水者陰血也陰必從陽故其色
紅真火色也血為氣之配氣熱則熱氣寒則寒氣升則升
氣降則降氣凝則凝氣滯則滯氣清則清氣濁則濁往往
見有成塊者氣之凝也將行而痛者氣之滯也來後作痛
者氣血俱虛也色淡者亦虛也而有水混之也錯經妄行
者氣之亂也紫者氣之熱也黑者熱之甚也今人但見其
紫者黑者作痛者成塊者率指為風冷而行溫熱之劑則
禍不旋踵矣良由病原論月水諸病皆曰風冷乘之宜其
相歸而成俗也或曰畏此方水色也紫淡於黑非冷而何

經色紫
黑為熱

予曰經曰亢則害承乃制熱甚者必蕪水化所以熱則紫
甚則黑也况婦人性熱而見鄙嗜欲加倍藏府厥陽之火
無日不起非熱而何若曰風冷必須外得設或有之蓋千
百一二者也

海四物加黃芩黃連湯治經水如黑豈汁

四物湯兩 黃芩 黃連各一

右為末醋糊丸服

丹月經黑口渴倦怠形短色黑脉不勻似數

黃栢炒 黃芩各二 甘草二 赤芍藥

香附末各半

右為末醋糊丸白湯下五六十九

水康胡八娘子二五歲二月經事不來忽行小腹痛有塊
血紫色

白芍藥 白朮 陳皮各半 黃芩

川芎 木通各二錢 甘草各三錢

何孺人氣滯血溢脈不瀆經不調或前或後紫色且苦兩
太腿外臙麻木有時痺生瘡太便秘滯

麻子仁 桃仁 芍藥各二兩 枳殼

白朮 歸頭 歲薑仙 訶子肉

生地 陳皮各五錢 大黃各七錢

各為末粥丸如桐子大白湯下五六十九

經色淡為虛

丹經水色淡者氣血俱虛也宜八物湯之類八物者四物

四君子也如蕪它症隨症加藥

樓婦人年四十八因有白帶口渴月經多初血黑色後來

血淡倦怠食少臍上急 白朮半錢 紅花許 陳皮一錢 木通

黃芩各五分 縮砂 甘草各三分 枳殼五分

白芍藥一錢

右煎湯下保和丸三十丸抑青丸二十丸

海四物加黃芩白朮湯治經水過多

四物湯兩 黃芩 白朮一兩

丹經水過多

黃芩炒 芍藥炒 龜板各一兩 黃柏炒

香附半錢 椿樹根皮半錢

右為末酒糊丸空心白湯下五六十九

丹一婦人脈弦而大不數形肥初夏時倦怠月經來時多

此稟受弱氣不足攝血故行多

白朮半錢 黃芪生 陳皮各一錢 人參五錢

甘草三錢

經多為虛熱

經少為虛

海四物加葵花湯治經水澁少

四物湯

葵花一兩

一方又加紅花血見愁

四物湯加熟地黄當歸湯治經水少而色和

四物湯

熟地

當歸各一兩

脈師曰有一婦人來診言經水少不如前者何也師曰噲更下利若汗出小便利者可何以故師曰三其津液故令經水反少設經下多於前者當所苦困當言恐大便難身無復汗也

將行時痛為滯

海四物四兩加玄胡索苦練檳榔木香各一兩治經事將行臍腹絞痛臨經痛者血澁故也

抑氣丸臨經之時腹痛以四物湯加玄胡索陳皮牡丹皮甘草痛甚以豆淋酒痛少以童便煮香附入條芩為丸經水將來而痛者四物湯加桃仁香附黃連

周壁婦人四十餘月經不調行時腹疼行後又有三四日淋瀝皆穢水口渴面黃倦怠無功

白朮一兩

婦身尾錢六

陳皮錢七

黃連錢三

木通

黃芪生

黃芩各二錢

甘草一錢

分八貼下五靈脂九四十粒食前服

仁十三瓣人月經不勻血紫色來作痛倦怠惡寒為人性急

青皮錢五

川芎

黃芩

牡丹皮

茯苓錢三

乾姜錢一

甘草五分

分二貼水煎服

一婦人二十歲月經不勻來時先呵欠腹隱疼血紫色食少無功

白朮錢四

黃連

陳皮錢各二

牡丹皮錢二

木通

黃芩

人參

茱萸半錢

甘草五分

分四貼水二盞煎取小盞食前服

桂枝桃仁湯治經候前腹痛不可忍

桂枝

芍藥

生地略二

桃仁四十

甘草兩

右為愈末每服五錢水二盞姜三片棗一枚同煎去渣
溫服

垣柴胡丁香湯治婦人年三十歲臨經預先臍腰痛甚則
腹中亦痛經縮二三月

柴胡半錢

羌活錢一

丁香四

全蝎一箇

當歸身錢一

生地分一

右都作一服水四盞煎至一盞去渣稍熱食前服下

一婦人三十歲每因浴後必用冷水淋通身又嘗大驚遂
患經來時必先少腹大痛口吐涎水然後經行行後又吐
水二百其痛直至六七日經水止時方注百藥不效予診
其脉寸滑大而弦關尺皆弦大而急尺小於關關小於寸
所謂前大後小也遂用香附三兩半夏二兩茯苓黃芩各
一兩半枳實玄胡牡丹皮人參當歸白朮桃仁各一兩黃
連土錢川練遠志甘草各半兩桂三錢茱萸一錢半分十
五貼水煎入生姜汁兩蜆殼熱服後用熱湯洗浴得微汗
乃已忌當風坐臥手足見水并喫生冷服三十貼全愈半
年後又因驚憂前病復舉腰腹時痛小便淋痛心惕惕跳
驚悸予意其畏已解病獨在裏先與灸少衝勞宮崑崙三
陰交止悸定痛次用桃仁承氣大下之下後用香附三兩
蓬朮當歸身各一兩半三稜玄胡索桂木黃青皮俱醋制

經後痛為虛

青木香苗香滑石木通桃仁各二兩烏藥甘草縮砂枳榔
苦練肉各半兩木香吳茱萸各二錢分作二十貼入新取
牛膝濕者二錢生姜五片用荷葉湯煎服訖漸安

丹經過後而作痛者乃虛中有熱所以作痛

新荷姐頭痛口乾經行後身痛腰甚痛

經成塊為滯

本治婦人月經滯帶每發心腹臍疔痛不可忍及治產後
惡露不快血上搶心迷悶不省氣絕欲死者琥珀散

京三稜 蓬莪朮 赤芍藥 劉寄奴

牡丹皮 熟地 官桂 菊花

真蒲黃 當歸略一

右前五味川烏壹一升生姜半斤切片米醋四升同煮

荳爛為度焙乾入後五味同為末每服二錢溫酒調下
空心食前服一方不用菊花蒲黃用烏藥玄胡索亦佳
予家之秘方也若是尋常血氣痛只一服產後血衝心
三服便下常服尤佳予前後救入急切不少此藥亦宜
多合以救之

天交加散治榮衛不和月經湛濁逐散惡血腹痛經血諸
疾並皆治之

生薑仁 生地二斤二白芍藥 當歸

桂心兩一 紅花炒無惡 沒藥另研各 蒲黃隔紙

玄胡索醋紙包煨熱用布 擦去皮各一兩

右將地黃汁炒生薑滓姜汁炒地黃滓各焙乾用諸藥

為細末每服二錢溫酒調下 若月經不依常蘇木煎

酒調下 若腰痛糖酒調下

丹瘀血

香附醋煮四兩

桃仁兩

牡丹皮

大黃蒸

當歸各一

川芎

紅花各半

瓦龍子煨醋

晝夜

右炊餅為丸空心溫酒下三四丸

交加地黃丸治婦人經不調血塊氣痞肚腹疼痛

生地

老姜各一

玄胡索

當歸

川芎

芍藥各二

明沒藥

木香各一

桃仁去皮

人參各兩

香附半

右為末先以生姜汁浸地黃查以地黃汁浸生姜查晒

乾皆以汁盡為度共十七味作一處乾研為末醋糊

為丸空心以姜湯下

大交加散治婦人榮衛不通經脈不調帶撮痛氣多血

少結聚為癥產後中風

生地

生姜各五兩

右交互取汁浸一夕各炒黃清汁盡為度末之尋常服

痛酒調下三錢產後尤不可闕

丹益母草一名天麻未結子時採一檐以水五斗煮半乾

去渣再熬成膏每用半小盞和酒并姜汁放開服之大治

汚血及血經不調經不及期者血熱四物湯加黃連

肥人不及日數而多痰者血虛有熱南星白木蒼朮黃連

香附川芎作丸

婦人患經血紫黑一月兩次行不思食口乾苦時發熱

麥門冬

當歸身

白芍藥

陳皮

白朮略一

人參

地黃

茯苓各半

木通三錢

生甘草錢

經不及期者為血熱

好藥

挾寒

右分十二貼食前熱飲下抑青與點各十五
帶下經水不利小腹滿痛經一月再見者土瓜根散主
之亦主陰
癰腫疔

入土瓜根 芍藥 桂枝 廣虫各三

右四味杵為散酒服方寸七日三服

經過期者血少

經水過期血少川芎當歸人參白朮與痰藥過期淡
色者痰多也二陳湯加芩歸過期紫色有塊血熱也必
作痛四物湯加香附黃連

三月一
來為居
經

脈師曰脈微血氣俱虛年少者亡血也乳子下利為可否
者此為居經三月一來師曰寸口脈微而澁微則衛氣不
足澁則血氣無餘衛不足其息短其形燥血不足其形逆
榮衛俱虛言語謬誤跌陽脈浮而澁澁則衛氣虛虛則短
氣咽燥而口苦胃氣澁則失液少陰脈微而遲微則無精

經暴下
為血熱

有寒熱
宜和

遲則陰中寒澁則血不來此為居經三月一來問曰婦
人姪娠三月師脈之言此婦人非軀今月經當下其脈何
類何以別之師曰寸口脈衛浮而大榮反而弱浮大則氣
強反弱則少血孤陽獨呼陰不能吸二氣不停衛降榮竭
陰為積寒陽為聚熱陽盛不潤經絡不足陰虛陽往一作
故令少血時發酒漸咽燥汗出或溲稠數多唾涎沫此令
重虛津液漏泄故短非軀畜煩滿血月稟一經三月一來
陰盛則瀉名曰居經謂右脈浮大
左脈及弱也

四物湯兩 黃芩

如腹痛加黃連一兩夏月不
去黃芩

經水適來適斷或有往來寒熱者先服小柴胡湯以去其
寒熱後以四物湯和之

本婦人血脈不調往來寒熱狀如勞倦

黃芩

虛實不調

右為細末每服五錢裹子一枚水煎空心溫服白湯點服亦得常服不生帶下調血脈養子宮終身無病
升陽舉經湯治經水不調右尺脈按之空虛是氣血俱脫太寒症輕手其脈數疾舉指弦緊或澀皆陽脫之症陰火亦亡見熱症於口鼻眼或渴此皆陰躁陽欲去也當溫之降之引之燥之此法大升淨血氣補命門之下脫也諸藥言根近苗處去苗便是

- 當歸 川芎 甘草 黃芪
- 官桂 去粗皮 各一兩 熟地 白朮 白芍藥 各二
- 柴胡 各半 阿膠 各半
- 柴胡根 當歸根 白朮 黃芪 各三
- 葉本 去土 羌活根 防風根 各二 紅花
- 白芍藥 各五 獨活根 半錢 桃仁 去皮尖 研十箇 細辛 六分

陰陽相乘

右為釐末每服二錢水三盞煎至八分空心稍熱服
治婦人病多是月經乍多乍少或前或後時發疼痛醫者一類呼為經病不曾說是陰勝陽是陽勝陰所以服藥少效蓋陰氣乘陽則胞寒氣冷血不運行經所謂天寒地凍水凝成冰故令乍少而在月後若陽氣乘陰則血流散溢經所謂天暑地熱經水沸溢故令乍多而在月前當別其陰陽調其血氣使不相乘以平為期宜紫石英丸

- 川芎 熟地 水中 人參 去 黑附子 炮去
- 甘草 稍炙 肉桂 去皮夏不用 秋冬用五分
- 紫石英 研水飛 禹餘糧 燒燄醋人參 龍骨
- 川烏頭 炮 桂心 桑寄生 杜仲 炒
- 五味子 遠志 澤瀉 當歸
- 石斛 肉蓯蓉 酒浸 乾姜 各二 川椒

牡礪煨

甘草各半

右為末煉蜜丸如桐子大每服三十九到五十九空心食前服

經過期不止為熱有餘

芩心丸治婦人四十九歲已後天癸當往每月却行或過多不正用黃芩心枝條者二兩米泔浸七日炙乾又浸又炙如此七次為末醋丸如桐子大每服七十九空心溫酒送下日進之脈

治婦人天癸已過期經脈不勻或三四月不行或一月再至腰疼痛素問云七損八益謂女子七數盡而經不依時者血有餘也不可止之但令得依時不腰痛為善宜此當歸散

當歸

川芎

白芍藥炒

黃芩炒各一兩

白朮兩半

針灸

右為細末每服二錢酒調下空心食前日三次服即去黃芩加桂枝二兩

脈問曰婦人年五十數一朝而清血二三日不止何以治之師曰此婦人前絕生經水不下今反清血此為居經不須治當自止經水下常五日止者五日自愈

月經不調

陰獨三分此穴大效須待經定為度在足四指間三壯

又法內踝下白肉際青脈上灸隨年壯

又法中極 三陰交 腎俞 氣海

經閉久忽大崩復又斷絕復又大行不調者 豐隆穴

石門五分

婦人五旬經斷後再行或多或少或瘀或紅並下腹中氣滿如胎孕 天樞 中脘 氣海各五分

甲 婦人漏下苦血閉不通逆氣脹血海去之 一女子胞中

痛月水不以時休千金作腹脹腸鳴氣上衝胸小腹脹
滿痛引陰中月水至則腰脊痛胞中痕子門有寒引髓脾
水道主之千金引髓脾作大小便不通

經閉

無腹痛
為血枯

血枯經閉者四物湯加桃仁紅花陰虛經脈久不通
小使短澀身疼者四物加蒼朮牛膝陳皮生甘草作湯又
用蒼沙九加蒼耳酒芍藥為丸就煎前藥吞下

右丹溪治血枯大法

中焦閉

經閉不行有三補前人之闕婦人脾胃久虛形體羸
弱氣血俱衰而致經水斷絕不行或病中消胃熱善食漸
瘦津液不生夫經者血脉津液所化津液既絕為熱所燥
肌肉漸瘦時見渴躁血海枯竭病名曰血枯經絕宜厚胃
之燥熱補益氣血經自行矣此症或經適行而有子子亦

下焦閉

不安為胎病者有矣此中焦胃熱結也
或心包脈洪數躁作時見大便秘澀小便雖清不利而經
水閉絕不行此乃血海乾枯宜調血脉除包絡中火邪而
經自行矣此下焦胞脈熱結也

上焦閉

或因勞心心火上行月事不來者胞脈閉也包脈者屬於
心而絡於胞中今氣上迫肺心氣不得下通故月事不來
宜安心補血瀉火經自行矣此上焦心肝肺熱結也

裴澤之夫人病寒熱月事不至者數年又加喘嗽醫者率
以蛤蚧桂附投之曰不然夫人病陰為陽所搏溫劑太過
故無益反害投以涼劑涼血和血藥則行矣已而果然

大法先
降心火
後補氣
血

女子月事不來者先瀉心火血自下也內經曰一陽之
病發心脾有不得意曲故女子不月其傳為風消王註曰
大腸胃熱也心脾受之心主血心病則血不流脾主味脾

病則主味不化味不化則精不足故其病則不能隱曲脾
土已虧則風和勝而氣愈消也又經曰月事不來者胞脉
閉也胞脉屬於心絡于胞中今氣上逆肺心氣不得下通
故月事不來先服降心火之劑後服局方中五補丸後以
衛生湯治脾養血也

局五補丸補諸虛安五藏堅骨髓養精神

熟地

人參

牛膝酒浸去白茯苓

地骨皮各等分

右為細末煉蜜丸如桐子大每服三五丸溫酒下空
心服

衛生湯

當歸

白芍藥略二黃芪三

甘草煎

右為末每服半兩水二盞煎至一盞溫服空心如虛者

加人參一兩

右東垣潔古治血枯之法皆主於補血瀉火也補血者
四物之類瀉火者東垣分上中下故火在中則善食消
渴治以調胃承氣之類火在下則太便秘澀治以玉燭
之類玉燭者四物與調胃承氣等分也火在上則得於
勞心治以芩連及三和之類三和者四物涼膈當歸等
分也潔古先服降心火之劑者蓋亦芩連三和玉燭之
類後服五補衛生者亦補氣之劑也

素帝曰有病胸脇支滿者妨於食病至則先聞腥臊臭出
清液先唾血四肢清目眩時時前後血病名為何何以得
之岐伯曰病各血枯此得之少年時有所大脫血若醉入
房中氣竭肝傷故月事衰少不來也帝曰治之奈何岐伯
曰以四烏嚙骨一蘆茹二味并合之丸以雀卵大如小菟

以五丸為後飯飲以鮑魚汁利腸中及傷肝也腹中論云烏
河間宣明論方烏雞骨主散惡血雀卵主血瘦鮑魚主逐血
益大每服五丸至十九煎鮑魚湯下食後日三服壓以美饈

右岐伯河間治血枯之法

下利經斷者利經自來
問曰婦人病下利而經水反斷者何也師曰但當止利經自當下勿恡所以利不止而血斷者但下利亡津液故經斷利止津液復經當自下問曰婦人病經水斷一月而反經來今脈反微澁何也師曰此前月中若當下利故令妨經利止月經當自下此非軀也婦人血下咽乾而不渴其經必斷此榮不足本自有微寒故不引飲渴而引飲者津液得通榮衛自和其經必復下

有瘦瘠者血老
婦人之病因虛積冷結氣為症經水斷絕至有歷年血寒積結胞門寒傷經絡凝堅在上嘔吐涎沫久成肺癰形

汚血

體損分在甲盤結繞臍寒症或兩脇疼痛與臟相連或結中極痛在關元脈數生瘡肌若魚鱗時着男子非止女身在下未多經候不勻令陰掣痛少腹惡寒或引腰脊下根氣衝氣衝急痛膝脛痠煩昏忽眩冒狀如厥癰或有憂慘悲傷多噴此皆帶下非有鬼神久則羸瘦脈虛多寒三六病千變萬端審脈陰陽虛實察弦行其針藥治危得安其雖同病脈各異源子當辨記勿謂不然

丹經候過期不行杜牛膝搗汁大半鍾以玄胡末一錢香附末枳殼末各半錢早調服

六萬病丸治經事不來繞臍痛

乾漆碎炒牛膝去苗酒浸一宿焙乾一兩右為末以生地黄汁一升入二味藥末銀器內慢火熬可丸即丸如桐子大每服二丸空心米飲或溫酒下

療月水不利臍下愆逆氣脹滿欲嘔不得睡愆急也

當歸四錢 乾漆三錢炒

右為末煉蜜丸如桐子大空心溫酒下十五丸

治月經壅滯臍腹疔痛 當歸 玄胡索

右為餘末每服三錢姜三片水一鍾半煎至十分去渣

稍熱服

小腸移熱於大腸為伏瘕為沉全文見診病傳變三王注云血澁不利則月事沉滯

行而不

有汚熱血

聖治婦人月水滯澁不快結成瘕塊筋脹大欲死用馬鞭草根苗五斤挫細水五斗煎至一斗去渣別以淨盞盛熬成膏食前溫酒調下半匙本草云馬鞭草辛涼破血瘕

羅血極膏治婦乾血氣以川大黃為末用醞醋熬成膏子丸如鷄頭大每服一丸熱酒化開臨臥溫服大便利

有汚寒血

行後紅脈自下是婦人之仙藥也加當歸頭

仲婦人經水不利抵當湯主之亦治男子膀胱滿急有瘀血者方見傷寒

右經一節方三首皆治汚血有熱而經閉前一方便輕劑後二方便重劑也

雲紅花當歸散治婦人經候不行或積瘀血腰腹疼痛及室女月經不通

紅花 當歸尾 紫葳 牛膝

甘草 蘇木細剉各二兩 白芷一兩 赤芍藥八兩

劉寄奴五兩 桂心半兩

右為細末空心熱酒調三錢服之食前臨臥再服若久血不行濃煎紅花酒下孕婦休服牛膝散治婦人月水不利臍腹疔痛

牛膝兩 桂心 赤芍藥 桃仁

玄胡索 當歸 牡丹皮 川芎

木香各七錢半

右每服方寸七為極細末温酒調下食前

温經湯若經道不通透臍寒痛脉沉緊宜此及桂枝桃仁湯萬病丸

當歸 川芎 芍藥 桂心

牡丹皮 蓬莪朮各半兩 人參 甘草

牛膝各一兩

右咬咀每服五錢水一盞半去香温服

桂枝桃仁湯方見調經

牡丹皮散治婦人月水不利臍腹疼痛

牡丹皮 大黃炒各一兩 赤芍藥 生地黄

桃仁 當歸 桂心 赤茯苓

白木各七錢半 石葦去毛 木香各半兩

右咬咀每服五錢水一盞半生姜三片煎至七分去香

空心温服

本治婦人室女月候不通疼痛或成血瘕通經丸

桂心 青皮去白 大黃炮 乾姜

川椒 川烏 蓬莪朮 乾漆

當歸 桃仁各等分

右為末先將四錢用米醋熬成膏和餘六錢末成劑柏中梓丸如桐子大晒乾每服二十九丸用淡醋湯下加至三十九丸温酒亦得空心食前服

右方六首皆治汚血有寒而經閉前四方輕劑後二方重劑也

又治月水不通屢試有驗厚朴不以多少姜汁炙香細切

痞嘔寒熱者結痰在上

濃煎去香空心服不過三四劑瘥形實氣虛者宜之
丹積痰傷經不行夜則妄語

瓜蒌子兩一 黃連兩半 吳茱萸兩 桃仁五

紅麴錢二 縮砂兩三 山查末

右生薑研炒餅為丸

軀脂浦經閉導痰湯加芩連不可服地黃如用姜汁炒導
湯即二陳加枳實黃連是也

楊村婦人年二十餘兩年經閉食少乏力

黃連兩二 白朮半一錢 陳皮 滑石各一

黃芩兩半 木通分三 桃仁十二 甘草些多

右丹溪治痰結胸腹而經閉之法皆用輕劑導痰降火也

經云氣上迫肺則心氣不得下通故月事不來今用連杜

之類導痰降火使不上迫於肺故心氣下通而月事來
丹溪治一婦人久瘕食少經閉兩手無脈每日與三花神
祐丸十餘粒津咽之月餘食進脉出又半月脉愈又一月
經行亦此意也詳見久瘕予嘗體丹溪之意治陳氏婦二
十餘歲形肥痞塞不食每日臥至未牌吃一二盞薄粥吃粥
後必吐水半碗仍復臥經不通三月矣前番曾暗通黑色
脉之辰時寸關滑皆有方午後關滑寸不滑詢之因乘怒
飲食而然遂以白朮一兩半厚朴黃連枳實各一兩半夏
茯苓陳皮山查人參滑石各八錢縮砂香附桃仁各半兩
紅花二錢分作十貼每自服一貼各入姜汁二瓠殼間二
日以神祐丸神秘沉香丸微下之至十二日吐止食漸進
四十日平復如故又汪氏婦五十餘形瘦亦痞不食吐水
經不通以前藥方加參朮歸為君煎熟入竹瀝生薑姜汁

服之但不用神祐丸下亦平復若咳嗽寒熱而經閉者當於欬門溫痰條求之

子和凡婦人月事不來用茶調散吐之次用玉燭散芎歸湯三和湯桂苓白朮散之類降心火益腎水開胃進食分陰陽利水道之藥也 一婦人月事不行寒熱往來口乾頰赤飲食少且暮間咳一二聲諸醫皆用黃虫水蛭乾漆礪砂芫青紅娘子沒藥血竭之類惟戴人不然曰古方雖有此法奈病人服之必臍腹發痛飲食不進乃命止藥飲食稍進內經曰二陽之病發心脾心受之則血不流故女子不月既心受積熱宜抑火升水流濕潤燥開胃誘食乃涌出痰一升下泄水五六行濕水上下皆去血氣自然湍流月事不為水濕所隔自依期而至矣亦不用黃虫水蛭之類有毒之藥如用之則月經終來小溲反閉他症生

矣凡精血不足宜補之以食大忌有毒之藥偏勝而致天閱多矣 一婦人年三十四歲經水不行寒熱往來面色痿黃唇焦頰赤時咳三二聲問其所服之藥黑神散烏金丸四物湯燒肝散驚甲散建中湯寧肺散針艾千百轉劇家人意倦不欲求治戴人憫之先涌痰五六升午前涌畢午後食進餘症悉除後三日復輕涌之又去痰一二升食益進不數日又下通經散瀉訖一二升後數日去死皮數重小者如麩片大者如薯膜不一月經水自行神氣大康矣

月事不來者胞脈閉也胞脈者屬心而絡於胞中今氣上迫肺心氣不得下通故月事不來也 全文見水腫胃病見診病息奔條

雜方 大室女月水不來用雄鼠屎一二兩燒存性為細末空心溫酒調下一錢神效

海掌中金丸治婦人乾血氣

川山甲炮

甘草

苦丁香

川椒

苦苣菜

白附子

猪牙皂角

草烏頭各三錢

巴豆一錢全用研

右為細末生葱絞汁和丸彈子大每用一丸新綿包之
內陰中一月即白二月即赤三月即血神效
仲婦人經水閉不利臍堅癰不正中有乾血下白物礬石
丸主之

礬石燒三錢

杏仁分

針灸

心經脈不通已有寒熱此穴大效三陰交三分立有效如疼時乃經脈要

通也
經脈不通心術同 曲池 支溝 三里 三陰交此四

寒不通則瀉之如虛耗不行則補之

集月經斷絕 中極 三陰交 腎俞 合谷

東又法 四滿在丹田傍一寸半

經脈不通變成癢症飲食如常腹漸大如蠶 氣海鉗

通管去其瀉水惡物 陰交取法亦如上

甲月水不通奔泄氣止下引腰脊痛氣穴主之 女子不

下月水照海主之 婦人少腹堅痛月水不通帶脈主之

月水不利見血而有身則反敗及乳腫臨泣主之

脈師曰有一婦人將下女子年十五所來診言女子年十

四時經水自下今經反斷其母言恐怖師曰若是夫人親

女必夫人年十四時亦以經水下所以斷此為避年勿恠

後當自下

腎脈微瀼為不月全文見虛實門

診

二陽之病發心脾有不得隱曲女子不月其傳為息奔者
死不治全文見診
病傳變

血崩

血崩心痛者見心
痛門

大法

紫黑色成塊者血熱四物加黃連柴胡之類氣虛血虛
者皆於四物內加參芪急則治其標白芷湯調百草霜
甚者棕櫚灰後用四物加炒乾姜調理因勞者入參帶
升補藥因熱者用黃芩因寒者用炒乾姜

廢氣汚
血宜行

丹溪云延齡胸中清氣不升故經脈壅遏而降下非開延
不足以行氣非氣升則血不能歸隧道此論血泄之義甚
明蓋開胸膈濁涎則清氣升清氣升則血歸隧道不崩矣
故其症或腹滿如孕或臍腹疝痛或血結成片或血出則
快止則悶或臍上動其治法宜開結痰行滯氣消汚血

關察方

江氏婦三十五六歲墮胎後血不止食少中滿倦怠不起
躁煩六脈沉大而數重取微弦予作怒氣傷肝感動胃氣
遂於二陳湯加川芎白朮縮砂二十貼而安

仲旋覆花湯治半產漏下脉弦而大

旋覆花三兩本草云
在雷飲結氣 葱十四
莖 新絳少許

右三味以水三升煮取一升頓服之

千治婦人崩中下血不止以衣中白魚鱗等分為水以
井花水服之且三服瘳

右三方開痰

羅構金散治婦人血崩不止

香附子四兩
炒 當歸尾二錢
五靈脂一兩
炒

右為細末每服五錢醋調空心服立效

本治下血不止或成五色崩漏方用香附子春去皮毛中

行氣方

斷之畧炒為末每服二錢用清米飲調下此方徐朝奉傳其內人有是疾偏服藥不效後服此方遂愈須及服為佳亦治產後腹痛大是婦人仙藥常服益血調氣

大醋附花洽崩漏帶下積聚癥瘕臍腹痛用香附子不以多少擦去毛用好醋煮出焙碾末醋煮糊為丸如桐子大每服三十丸米飲送下無時婦人數隨胎者此藥尤妙一方用香附子白芷為丸

縮砂散治血崩用縮砂不以多少於新瓦上炒香為細末米飲調下三錢

右四方行滯氣

世治血崩用乾荷葉濃煎湯一碗空心服之立愈或調醋炒香附末尤妙

雲治血崩不止五靈脂二錢炒熱加當歸酒同煎或水酒

治汚血方

童便各半盞同煎服一方五靈脂半生半熟為末酒調服一方水煎五靈脂半乾去渣澄清再煎成膏入神麩末為丸如桐子大空心溫酒下三三十九便止
又方 麻茸續 當歸各二 蒲黃炒兩
右三味為末溫酒調下五錢七日三服
仲桂枝茯苓丸治婦人有癥在臍上動下血不止方見胎右四方消汚血

垣當歸芍藥湯治婦人經脈痛下不止其色鮮紅時值七月處暑之間先因勞役脾胃虛弱氣短逆自汗不止身熱悶亂惡見飲食亦不思食沉困懶倦四肢無力大便時瀉後復因心氣不足其經脈再下不止惟覺氣下脫其心氣逆上全無惟覺心腹中氣不行氣短則不能言是無方以言非懶語也此藥主之

脾胃虛者補之

黃芪牛一錢 白木 蒼朮去皮 當歸身

白芍藥錢各五 甘草多 生地各三 柴胡分

熟地黄 陳皮去白各五分

右十味為散末作二味水煎去香熱服空心二張之後漸減次日諸症悉去頓喜飲食所以者何蓋氣通而聞飲食之香得平康故也

仲婦人陷經漏下黑不解膠姜湯主之即芎歸膠艾湯

芎藭 阿膠 甘草略二 艾葉

當歸略三 芍藥兩 熟地黄

右七味以水五升清酒三升合煮取三升去香肉膠令消盡溫服一升日三服云如乾姜一兩胡治治婦胞動無乾姜

海四物膠艾湯方見婦人門大法條

垣益胃升陽湯治血脫益氣古人之法也先補胃氣以助

生長故曰陽生陰長諸藥為之先務舉世皆以為補氣殊不知其能生血此陽生陰長之理也故先理胃氣入之

一身肉穀為寶 黃芪錢 人參有嗽者 神麩炒各一 升麻

柴胡各五 白朮錢 當歸身酒 甘草多

陳皮各一 生黃芩二錢瀉盛暑之伏 一方用生地

右罷末每服三錢或五錢如食添再加之如食減已定

而三錢內更減之不可多服每服二錢水煎去香熱服如

却腹痛每服加白芍藥二分中桂少許如渴口乾加乾葛

厚二分如嗽去人參服不計時候蓋先服此益胃氣升陽

調經湯天舉 宣德候經歷家人病崩漏醫莫能效切脈之後且以紙疏

其症至四十餘種為調經升陽除濕湯明自而十

氣陷者升舉之

減其入前後五六日良愈

調經升陽除濕湯治女子漏下惡血月事不調或暴崩不正多下水漿之物皆由飲食不節或勞傷形體或素有心氣不足因飲酒勞倦致令心火乘脾其人必怠惰嗜臥四肢不收困倦乏力無氣以動氣短上氣逆急上衝其脈緩而弦急按之洪大皆中指下得之脾土受邪也脾主滋榮周身者也心主血血主脈二者受邪病皆在脈脈者血之府也人者脈之神也心不至令胞絡代之故曰心之脈主屬心系心系者胞絡命門之脈也主非事生孕皆由脾胃虛而心包乘之故漏下血水不調也况脾胃為陰陽之根蒂當除濕去熱益風氣上伸以勝其濕又云火鬱則發之

柴胡 升麻 錢各一 羌活 蒼朮 黃芪 錢各半

獨活分

當歸酒浸五分

葛荊子分

右咬咀水五大碗煎至三大盞去渣稍熱服空心服藥畢待少時以早飯壓之可一服而已如多是大陰脾經中血海穴二七壯或三七壯立已 此藥乃從權衡之法用風勝濕為胃氣下陷而氣迫於下以救其血之暴崩也若病愈經血惡物已盡主病雖除後必須以黃芪甘草人參當歸之類數服以補之於補氣升陽湯中加和血藥是也若經血惡物下之不絕尤宜救其根源治其本經只益脾胃退心火之元乃治其根蒂也若遇夏月白帶下脫漏不止宜用此湯一服立止 柴胡調經湯治經水不止鮮血項筋急惱痛脊骨強痛不思飲食

羌活

獨活

藜本

升麻錢各五

蒼朮錢 柴胡根分 葛根 當歸身

甘草三分 紅花許

右咬咀作三服水煎去香稍熱空心服微汗立止

一婦人經候黑血凝結成塊左廂有血瘕水瀉不止穀食
有時一化有時不化至令歲四月血塊暴下併水注俱作
是前後二陰有形之血脫竭於下既久經候尤不調水瀉
且見三兩行食罷心煩不快飲食減少甚至瘦弱裏垣先
生曰夫聖人治疾必本四時升降浮沉之理權變之宜若
不本四時以順為逆非其治也且治之太法必先歲氣無
伐天和無盛盛無虛虛遺人天殃無致邪無失正絕入長
命故聖人云陽盛陰虛下之則愈陰之則死陰盛陽虛下
之則愈下之則死太抵聖人立法各自有義且如升陽或
發散之劑是助春夏之陽氣令其上升乃瀉秋冬收藏頌

殺寒涼之氣此病是也當用此法治之乃升降浮沉之至
理也夫天地之氣以升降浮沉乃從四時如治病逆之則
殺入矣故經云順天者昌逆天者亡可不畏哉夫人之身
亦有天地四時之氣不可止認在外人體亦同天地也今
經漏不止是前陰之氣血已下脫矣水瀉又數年不愈是
後陰之氣血又下陷矣後陰者主有形之物也前陰者精
氣之門戶俱下竭是病人周身之氣常行秋冬之令陰主
殺此等收藏之病是也陽生陰長春夏是也在人身之中
令氣升浮者穀氣上待是也既病則周身血氣皆不生長
穀氣又不升其肌肉消少是兩儀之氣俱將絕矣既下元
二陰俱脫血氣消竭假令當日元是熱症今下集久脫已
化為寒矣此病久沉久降寒濕太勝當急救之瀉寒以熱
降濕以燥木升大舉以助長生補養氣血不致偏枯聖人

立治之法云濕氣大勝以所勝治之助甲風木升升是也故經云風勝濕是以所勝平之也當調和胃氣次用白米之類以燥其濕而滋元氣如其不止後用風藥以風勝濕此之謂也此藥便是大舉木升以助春夏二濕之久陷下之至治也又一本云此病次用四物隨濕症加減

大獨聖散治婦人血崩不止用防風去蘆不以多少為細末酒煮白麵清調下二錢空心食前日二服更以麪作糊酒投之極驗 治血崩夏枯草為細末每服二錢米飲調下無時服

治崩中不正等藥八兩清酒五升煎至二升半分三服不耐者徐徐進之服云苦不可久服令人暴死 右大舉木升之劑治崩脉沉弦而洪或沉細而數者皆胃氣下陷也或崩而又久瀉者亦胃氣下陷也故舉之

脾胃虛宜補宜升

心虛宜勸戒

升之其病愈也

經水漏不住有一補前人之闕 婦人脾胃虛損致命門脉沉細而數疾或沉弦而洪大有乃寸關脉亦缺皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脉必弦細寒作於中有赤帶者其脉洪數病熱明矣必腰痛或膝下痛臨經欲行而先發寒熱往來兩脇急縮兼脾胃虛出見或四肢困熱心煩悶不得眠卧心下急宜大補脾胃而升降氣血可一服而愈或先實而後賤或先富而後貧病名脫營者心氣不足其火大熾狂於血脈之中又致脾胃飲食失節火乘其中形質肌肉頹但病者此心病也不形於脉故脾胃飲食不調其症顯矣而經水不時而下或適來適斷暴下不止治當先說惡死之言勸諭令拒死而心不動以

虛挾積
滯者補
中去積

大補血氣之藥補養脾胃微加鎮心火之藥治其心補
陰瀉陽經自止矣痿論云悲哀太甚則胞絡絕胞絡絕則
陽氣內動發則心下崩數溲血也故經曰大經空虛發
丁未年冬郭大方來說其妻經水暴崩不止先會殞身失
血自後一次經數出而來今次不止其人心窄性急多驚
以予料之他日必因心氣不足飲食失節得之大方曰容
到彼診得掌中寒脈沉細而緩附而沉數九竅微不利四
肢無力上喘氣短促口鼻氣皆不調果有心氣不足飲食
失節脾胃虛弱之證胃腕當心而痛左脇下急縮有積當
臍有動氣腹中鳴下氣大便難諸虛證極多不能盡錄擬
先治其本餘證可以皆去與安心定志鎮墜其驚調和脾
胃大益元氣補其血脈養其心神以去熱之劑去其寒
凝在皮膚肉少加生地黄去命門相火不令四肢痿弱黃

芪當歸人參湯

黃芪錢一 當歸半錢 人參錢一 陳皮分五

苴苴錢七 神麩半錢消食 黃連錢一鎮

杏仁九箇研 麻黃一錢不去 桂枝半錢必

無伐天和也 生地二分去唇火大去 桂枝先歲氣

右為粗末水三升先煮麻黃數沸去渣入前藥同煎
至一大盞於巳午之前食消盡服之其胃腕痛及胃上
有客寒與大熱藥苴苴九十五丸其痛立止再與
肝之積藥除其積之根源而愈
右虛挾積滯而崩當治一老婦人血崩不止流流不絕
滿牀皆血起牀不得者三月矣腹滿如孕予作虛挾痰
積汚血治之用四物四兩參朮各二兩甘草半兩以治
虛香附三兩半夏兩半茯苓陳皮枳實縮砂玄胡各一

虛寒者
肝燥之

兩以破痰積汚血分二十貼每貼前乾加荷葉側柏葉
湯用煎服之服盡良愈今再不發神效

雲栢黃散療經血不止

黃芩錢半一兩 側柏葉 蒲黃兩一 伏龍肝兩一

右咬咀用水二升煎取八合分為二服

又方治患崩中不止結作血片如雞肝色碎爛

芎藭分二 阿膠 青竹茹各八續斷

地榆 小蘗各三當歸分六 生地

伏龍肝各十 伏龍肝一分

右用水九盞煎取三盞去渣分作三服

治婦人血露蚕砂二兩炒伏龍肝半兩阿膠二兩同為

朱溫酒調空心二三錢以知為度大全名無比

羅伏龍肝散治氣血勞傷衝任脈虛經云非時忽然崩下

或如薑汁或成血片或五色相雜或赤白相兼臍腹冷痛
經久未止令人黃瘦口乾飲食減少四肢無力虛煩驚悸

伏龍肝兩 甘草兩 赤石脂兩 芎藭各三

肉桂兩 熟地兩 當歸 乾姜各七

艾葉二兩 麥門冬去心

右件為粗末每服四錢棗一枚水同煎

右四方伏龍肝側蓋燥可去濕也前二方去濕熱後二

方去寒濕按伏龍肝為上血之聖藥先賢治崩用旋覆

花半復葦治腸間濕痰而崩止者亦是此意

虛脫者
澁之

芍藥一兩 栢葉六兩微炒丹溪

右水一升煎取六合入酒五合煎取七合空心分為二

服一方為細末酒調二錢一方有鹿角膠等分酒調治

白帶臍腹痛

世牡礪散治月水不止衆藥不愈者牡礪火煨研細用醋調成丸再煨過通紅候冷研細出火毒却用醋調艾末熬成膏和丸如桐子大每服五十九醋艾湯下

素陰虛陽搏謂之崩別陰陽論

脈數有熱爲熱

相火故血走而崩也

- 生地卅分
- 黃連三
- 黃柏二
- 黃芩一分
- 羌活
- 柴胡
- 知母
- 升麻
- 川芎各二分
- 防風三
- 藁本二
- 苳草一分
- 紅花少
- 歸身五
- 細辛分
- 荆芥穗

蔓荆子分

右咬咀都作一服水三天三蓋煎至一蓋去查稍熱服空一

心足太陰脾之經中血海二穴在膝臍上肉廉白肉際二寸中治女子漏中惡血月事不調逆氣腹脹其脈緩者是也灸三壯足少陰腎之經中陰谷二穴在膝內輔骨後大筋下小筋上按之應手屈膝取之治膝如錐不得屈伸舌縱涎流煩逆溺難少腹急引陰痛股內痛婦人漏下不止腹脹滿不得息小便黃如蠱女子如妊身可灸三壯

大小薊湯治崩漏不止色明如水得溫則煩悶者此陽傷於陰令人下血當補其陰脈數疾小者順大者逆

小薊莖葉研取汁 生地黃汁一 白朮半兩
右三件入水一蓋煎至一半去查溫服
芎藭酒治崩中晝夜不止醫不能治

芎藭兩 生地汁蓋

右用酒五盞煮芎藭一盞去渣下地黄汁再煎二三沸
分爲三服

治崩中去血不止

大小薊根兩白茅根兩

右二味細切用酒五升煮取四升去渣分四服

丹漏下乃熱兼虛四物加黃連

雲金華散治血室有熱崩下不正服溫藥不效者

延胡索 瞿麥穗 當歸 乾姜

牡丹皮 各一石膏兩 桂心 別研爲末 七錢半

蒲黃 兩 葳靈仙 七錢半

右爲細末每服三錢水一盞半空心溫服日一

大治崩中下血黃芩不以多少爲細末每服一錢燒秤錘

通赤投酒中今沸却用其酒調服許學士云崩中多用止

陰前所謂天暑地熱經水
沸溢是也金華散亦如

丹經水多去不能往以三補丸加莎根龜板金毛狗脊補

者芬連
栢也

子和孟官人母年五十餘血崩下載僉用澤蘭丸黑神散

保安丸白薇散補之不效戴人見之曰天矣已盡本不當

下血蓋血得熱而流散非寒也夫女子血崩多因大悲哭

悲甚則肺葉布心系爲之急血不禁而下崩內經曰陰虛

陽搏謂之崩陰脈不足陽脈有餘數則內崩血乃下流舉

世以虛損治之莫有知其非者可服大劑大劑者黃連解

毒湯是也次以香附二兩炒白芍藥二兩焙當歸二兩焙

三味同爲細末水調下又服棋榔丸不旬日而安

和丁香膠艾湯治崩漏不止蓋心氣不足勞役及飲食不

節所得經隔少時其脈兩尺俱弦緊而洪按之無力其證

脈弦無力
力膈下
冷爲寒

自覺臍下如水求厚衣被以禦其寒白帶白滑之物雖多
間下如屋漏水下時有鮮血不多右尺脈時微洪屋漏水
多暴下者是急弦脈為寒多而洪脈時見乃熱少合而言
之急弦者北方寒水多也洪脈時出者命門包絡之火也
黑物多赤物少合成屋漏水之狀也

川芎分四

歸身分二

生艾葉錢一

阿膠後炮入

白芍分三

熟地三分以瀉

丁香分四

右為細末作一服水二盞煎至五沸去香入膠艾再上
灰煎至一大盞空心宿食消盡帶熱服之三服效

大治血崩

熟艾如鷄子大

阿膠兩半

乾姜錢一

右粗末用水五盞先煎艾葉姜至二盞半入膠消溫分
二服空心服

血見黑則止

又方治崩中不止丁香二兩為細末用酒三升煮取一升
空心頓服必效一方用丁香百顆酒煎服又方益智炒
為細末鹽少水飲調下

氣滯者行氣灰止之

世香礬散治血崩香附不以多少極酸醋浸一宿炒焦為
灰存性每一兩入白礬末二錢米飲調服空心神妙一法
用荷葉湯調尤妙

世婦人血崩不止用楸榔燒灰存性碾末以溫酒調下甚
妙

血汚者行血灰

大五靈脂散治婦人血出崩諸藥不止者五靈脂炒令烟

止之

盡為末每服一錢温酒調下一法每服三錢水酒童便各半盞煎服名抽刀散
琥珀散治崩暴下血

赤芍

香附子

枯荷葉

男子髮皂莢水洗

當歸

櫻櫚炒焦存性

烏紗帽是漆紗頭申取陽氣先出故也

右等分除櫻櫚外其餘並用粗片新瓦上煨成黑灰存性三分為細末每服五錢空心童便調下如人行十里

再服七八服即止若產後血去多加米醋京墨麝香

少許一法先以五積散加醋煎投一二服次服五靈

脂散

療經血不止

婦人經血正淋漓

熱酒一盃調八字

舊蓮蓬燒作灰

自然安樂更無疑

黃牛角鯁用大燒為黑存微存性治婦人血崩大便血及冷痢白痢

大治漏下不正者鹿角燒灰細研食前温酒調下二錢

又方桃仁燒灰研細食前温酒調下二錢 又方亂髮皂

角水洗淨燒為細末空心温酒調下二錢

世治血久崩夏枯草燒存性為末空心米飲調下此用灰

與前用草不同

大荆芥散治婦人崩中不止用好麻油點燈多着燈心就

上燒荆芥焦色為細末每服三錢童便調下

簡治婦人漏下血不絕槐花鵝不以多少燒作灰細研食

前温酒調二錢七

產寶治崩中不止不問年月遠近用槐耳燒作灰為末以

酒服方寸七

大神應散治血崩不止桂心不以多少炒極焦存性為末每服一二錢米飲調下如聖散治血崩

烏梅各一 乾姜一兩五錢並燒過存性 右為細末每服二錢烏梅酒調下空心食前服久患不

過二服愈 治血崩屢效方

當歸 白芍 乾姜 棕櫚各等 右各煨存性研為細末醋調以有節朱筋左攪四十九

轉食前服 又方用棕櫚白礬煨為末酒調二錢服 治暴崩下血百草霜二錢狗膽汁一處拌定分作二服當

歸酒調下

又方京墨為末二錢七同燒露蜂房為末二指撮酒調服 世治血崩用葫蘆去子穰實荆芥穗燒存性飲湯服 右二十一方皆燒灰果藥經云北方黑色通於腎是也 皆通腎經之藥也夫血者心之色也血見黑即止者由 腎水能制心火故也

運氣 運氣血崩皆屬風火經云少陽司天之政初之氣風勝乃 搖候乃大溫其病血崩是也

雜方 海狗腎 治崩不定或淋瀝經年者 白礬 溶開成沒菜錢 礬砂分 黃丹分

右件將白礬溶開成汁下餘菜細末一處攪勻就成丸 子如彈子大每用二九新綿裹定內陰中立效

針灸 福經血過多不止并崩中 術 三陰交 行間 各針訖 通理 足小指上二寸 二分灸二十七壯

桑漏下不止英同 三陰交 大衝

東胞門不閉寸 惡血不禁 氣門在關元傍三寸刺入五分

集血崩并漏下 中極 補子宮半寸 敗血不止 三

陰交 百勞 風門 中極 腎俞 盲膏 曲池 絕

骨

田婦人陰暴出經水漏然谷主之 婦人漏血腹脹滿而

不得息小便黃陰谷主之十金云漏血少腹痛脹

子血不通會陰主之 女子漏血大衝主之

脈問曰五崩何等類師曰白崩者形如涕赤崩者形如絳

黃崩者形如爛瓜青崩者形如監色黑崩者形如衄血也

寸口脈弦而大弦則為臧大則為乾減則為寒乾則為虛

寒虛相比名曰革婦人則半產漏下又見諸

仲寸口脈微而緩微者衛氣疎則其膚空緩疎者胃弱不

實則穀消而水化也穀入於胃脈道乃行水入於經其血乃成榮盛則其膚必疎三焦絕經名曰血崩

脈診婦人漏血下赤白曰下血數升脈急疾者死遲者生診婦人漏下赤白不止脈小虛滑者生太緊實數者死

赤白帶

大法

丹赤白帶羅先生法或干枣湯或神祐丸或玉燭散皆可

用之虛者不可峻攻實者可行 血虛如減四物湯 氣

虛以米參陳皮間與之 赤屬血白屬氣主治燥濕為先

濕甚者固腸丸 相火動者諸藥中加炒黃柏 滑者

加龍骨赤石脂 滯者加菘花白者治白帶赤者治赤帶 性躁者加

黃連 寒月少加姜附臨機應變先須斷厚味

是濕痰帶下與夢遺同法治之 肥人有帶多是濕痰用海石半

夏南星炒柏青黛蒼朮川芎 瘦人帶病少如有多是熱

三十五

用炒栢蛤粉滑石川芎青黛樗皮帶漏俱是胃中痰積
流下滲膀胱出於大腸小腸宜升提甚者上必用吐以提
其氣下用二陳湯加白朮蒼朮仍用九子
治結痰白帶以小胃丹半錢半飽津液下數丸候鬱積行
卻服補藥

白朮兩 蒼朮兩 紅白葵花半錢

右慈羅為丸空心煎四物湯下廿九
陶遵道小姑年七十形瘦善咳白帶食前姜湯吞大補丸
五十九一二次午膳後及臨臥時各與小胃丹十五丸愈
六乳香散治赤白帶下

右為細末每服二錢陳皮飲調下重者三錢

因帶下不正用椒目白芷治白帶用椒目為末米食調

樗皮丸治赤白帶有濕熱者

芍藥五錢 良姜三錢 黃栢二錢各椿根皮一兩

赤白帶因濕熱勝而下者

蒼朮兩 白芍兩 枳殼錢 椿根皮兩
乾姜兩 地榆兩 甘草錢 滑石炒一兩

治帶下

椿根皮兩 神麩炒 麥皮麩炒 黃栢兩各
芍藥半兩 滑石兩 枳殼兩 蒼朮兩
右為末糊丸桐子大每服五十九空心

固腸丸治濕氣下利大便血白帶去脾胃陳積之後用此以燥下濕亦不常服用看病作湯使椿根皮為末粥糊為丸此藥性涼而燥須炒用一方加滑石一半治白帶因七情所傷脈數者

黃連炒 側柏酒蒸 黃柏炒各半兩 香附醋炒
白朮炒各一兩 白芷燒存性三錢 椿根皮炒二兩 白芍一兩
木香三錢

右為末飯粥為丸米飲湯送下

右五方治帶椿皮剉涼燥之劑濕熱盛者宜之後一方有黃連香附木香故可治七情所傷

滑脈者

天地榆膏治赤白帶下骨立者地榆一斤用水三升煎至一半去渣再煎如稠錫絞淨空心服三合日二服治漏下五色地榆三兩剉用醋一升煮十餘沸去渣稍熱食前

服三合

千治婦人赤白帶下三葉酸漿草陰乾為末空心溫酒下三錢匕

真陰虛者補陰

平

右三方治帶地榆剉寒澁之劑亦濕熱盛而滑脫者宜之按三葉酸漿草葉細如蕺菜生莖端有三葉俗又名布谷飯布谷者鳩也蓋鳩常食之故又名鳩漿草衍義誤入苦蕒條即曰三葉酸漿草豈苦蕒即酸漿歟苦蕒大如金柑味酸可食故亦名酸漿非三葉也三葉酸漿小草布地而生葉皆三瓣惟開黃花其莖葉皆酸者

白帶 白芍七錢半 乾姜炒二錢半 香附兩半 山茱萸
苦參 樗皮 貝母各半兩

赤白帶

右為末以酒糊為丸空心下

龜板酒炙 黃柏炒 乾姜炒 枳子二錢

右酒糊為丸日二服每服七十丸

又方治帶下脈數者

枸杞根一斤 生地五斤

右二味以水一斗煮取五升分三服

右三方治帶龜板黃柏地黃例腎水真陰虛者宜之

少腹熱痛者為熱痕

脾傳之腎病名曰疝瘕少腹寬熱而痛出白一名白蠱當

此之時可按可藥全文見診生丸王註云出白蠱出白

陰陰痿疝痺精滑白濁皆男子之疝也血濁不日見腰膝上熱足履盛乾瘰閉少腹有塊或定或移前陰突出後

陰痔核皆女子之疝也又云女子不謂之疝而謂之瘕也

小腸移熱於大腸為伏瘕為沉全文見診病傳變

保赤者熱入小腸白者熱入大腸原其本皆濕熱結于脈

故津液涌溢是為赤白帶下本不病經曰任脈虛而結熱

屈滯于帶故女子臍下痛陰中綿綿而下也經曰任脈為

病男子內結七疝女子帶下瘕聚王註云任脈自胞上過

帶脈貫於臍上故男子內結七疝女子帶下帶脈起于季

脇章門似束帶狀今濕熱寬結不散故為病也經曰脾傳

之腎名曰疝瘕小腸寬結而痛出白一名曰蠱所以為帶

下寬結也寬屈也屈滯而病熱不散先以十棗湯下之後

服苦練丸大延胡散調下之熱去濕除病自愈矣十棗湯方見傷寒

苦練丸治婦人赤白帶

苦練碎酒 茴香炒 當歸

右等分為末酒糊為丸每服三五十九空心溫酒下如

腰腿疼四物湯四兩加羌活防風各二兩煎湯送下

丹治赤白帶下腰痛或少腹痛有熱者

樗皮二兩 延胡索 桃仁 側柏葉
 川練肉 茴香 當歸各半 香附錢
 官桂 烏藥各三錢 麥皮麩一兩

右末酒糊為丸每服五六十丸神效

少腹冷痛脹微為表濕

治帶下，奔腸有敗膿淋露不已，腥穢甚，遂至臍腹更增冷痛，此蓋敗膿血所致，幸無已期，須以此藥，膿白芷一兩，單葉紅蜀葵根二兩，白芍藥白礬各半兩，礬燒枯另研，餘為末，同以蠶丸如桐子大，空肚及飯前米飲下十九或十五丸，候膿盡，仍別以補藥佐之。

固真丸治白帶不止，臍下冷痛，喜乾食，惡湯飲者，方見

帶

本治婦人赤白帶下

龍骨兩半 舶上硫黃三錢

右為末，每服半錢，無灰酒調，空心服，一日三服，不開送，年近自盡效。

天伏龍肝散治婦人赤白帶下，久不瘥，肌瘦皮黃。

棕櫚煨存性 伏龍肝 屋梁上塵懸長者炒烟盡出火毒

右等分研和，入龍腦麝香各少許，每服二錢，酒調醋亦。可患十年者，半年可安。有人經年崩漏不止，諸藥不效，脈漏微與此，伏龍肝散兼白礬丸服之，愈。白礬丸用白礬二兩，黃連頭音久四兩為一劑，九桐子大，每服三十九。

恒補經回，具湯白文舉，正室白帶常漏久矣，諸藥不效，診得心包尺脈極微，其白帶下流不止，叔和脈經云：崩中日久為白帶，漏下多時，骨水枯，言崩中者，始病血崩，久則血少，復亡其陽，故白滑之物不流不止，是本經血海將枯，津液復亡，枯乾不能滋養筋骨，以本部行經為引，用為使，以

大辛甘油膩之藥潤其枯燥而益津液以太辛熱之氣味補其陽道生其血脈以苦寒之藥泄其肺而救上熱傷氣以入參補之以微苦溫之藥為佐而益元氣名曰補經固真湯

柴胡

甘草 錢一

乾姜 細末 二錢

橘皮 不去白 一錢

人參 錢二

郁李仁 別研如泥 二錢

白茯苓 七錢

生黃芩 切 別入 一錢

右件除黃芩外以水一大盞煎至一盞七分再入黃芩同煎至一盞去香空無宿食熱服之候少時早膳壓之

調經補真湯冬後一月微有地泥水泮其白帶再來陰戶中寒一脹立止大進飲食

麻黃 半錢 不去節

杏仁 三箇

桂枝 許少

甘草 錢五

良姜 錢

黃芪 七錢

人參

歸身

白朮 分

蒼朮 分

澤瀉 錢一

羌活 細

防風 錢

柴胡 錢

獨活

藁本 各二錢

升麻 根

黃芩 各五錢

乾姜 炮 二錢

白葵花 七朵 去葉

右除黃芩麻黃外都為粗末先將一味水二盞煎麻黃一味令沸掠去沫入餘藥同煎至一盞又再入生黃芩煎至一盞去渣稍熱服空心宿食消盡日高服之二時許可食早膳

方 民 帶 雜

本治婦人月經不調每行數日不止兼有白帶漸漸瘦悴飲食少味累年無子地黃丸

熟地 兩

山茱萸

白朮 錢

乾姜

白芍 錢

代楮石 醋炒各一兩

白朮 錢

厚朴

白姜 蚕

卷之五

三

右細末煉蜜丸如桐子大每服四五十九空心酒下且
三服此履老方婦人有白帶是第_二等病令人不_レ產育
宜急治之此扁鵲過邯鄲聞貴婦人所以專為帶下醫
也

垣桂附湯治白帶腥臭多悲不樂大寒

肉桂錢 附子錢 黃柏 知母各五

如少食常飽自時似腹脹加白芍藥半錢如不思飲食
加五味子二十箇如煩惱面上麻木如虫行乃胃中元
氣極虛加黃芪一錢人參七分炙甘草一分升麻半錢
為粗末作一服水二盞煎至一盞法如常食遠熱服
香附六合湯治赤白帶下方見婦人大法條即
治赤白帶下年月深久不瘥

白芍兩 乾姜兩

右各炒黃色同為末空心米飲調下二錢日二服

垣坐藥龍鹽膏

丁香半錢 全蝎五 木香半錢 良姜錢

川烏頭半錢 枯礬錢 龍骨錢 茴香錢

歸稍錢 玄胡錢 炒黃鹽錢 厚朴錢

酒防已 紅荳 肉桂各二 木通錢

右為末煉蜜丸如彈子大綿裹留絲在外納陰戶內

又方勝陰丹為上藥力小再取二錢內加行性熱藥

三奈子 川烏 大椒各五 柴胡

羌活各二 全蝎三 大蒜 破故紙各三

升麻各二 麝香許 甘松三

白礬各二

右為細末同前法用制

又方同陽丹

全蝎 升麻各二 草烏頭三 水蛭三箇
 重舌 三箇法 川烏分七 大椒分五 柴胡分十
 大蒜 破故紙各二 三奈子 藜蘆各五
 甘松分 羌活分 桔礬分五 炒黃鹽必用

右為極細末依前制如指天大用綿裹納陰戶中覺臍下暖為效

虛寒立 酒煮當歸丸治癩疔白帶下疰脚氣腰已下如在水雪中以火焙炕重厚綿衣蓋上猶冷不任寒之極也面白如枯魚之象肌如刀削消瘦之速也小便不止與白帶長流而不禁固白不知覺面白目青藍如菜色目眵眊無所見身重如山行步欹側不能安地腿膝枯細大便秘結口不能

言無力之極食不下心下痞煩心懊懣不任其坐面停殆背惡寒小便遺而不知此上中下三陽真氣俱竭故噦嘔不止胃寒之極也其脈沉厥緊而澁按之空虛若脈洪大而澁按之無力猶為中寒之證況按之虛空者乎按之不數是為陰寒之極也其空虛乃氣血俱虛之極也

當歸兩 茴香兩 黑附子七錢炮制
 良姜七錢 丁香各半 全蝎二錢 柴胡二錢
 炒黃鹽 升麻根 木香各一錢 苦練子 甘草各半
 玄胡索四錢
 右與前四味藥末同為細末酒煮麩糊為丸如桐子大

每服二十丸空心宿食消盡淡醋湯下忌油膩冷物酒

當歸附子湯治腎冷痛赤白帶下

柴胡分七 良姜 乾姜 附子各一錢

升麻分五 甘草分六 當歸分二 錫稻分五

炒黃鹽分三 黃柏分少

右件為粗末用五錢水一盞煎至一盞去渣熱服為丸亦得

右炒鹽例東垣回陽丹註云必用炒黃鹽無則不效蓋寒疝之要藥也

固真丸治白帶久下不止臍腹冷痛其寒憊之如冰陰中亦然目中溜火上壅視物眩暈無所見齒皆惡熱飲痛須得黃連末擦之其痛乃止惟喜乾食大惡湯飲止病皆寒

濕乘其胞內故喜乾而惡濕肝經陰火上溢走於標故上壅而目中溜火腎水侵肝而上溢故目中眩暈無所見齒惡熱飲者是少陽陽明經中伏火也當大瀉寒濕以丸藥治之故曰寒在下焦治生宜緩大忌湯散以酒制白右脂白龍骨以枯其濕以炮乾姜太辛熱瀉寒水以黃柏之太寒為因用又為導治法云古者雖有重罪不絕人之後又為之伏其所生先其所因之意又瀉齒中惡熱飲也以柴胡為木經之使以芍藥半錢以導之又恐辛熱之藥太甚損其肝經故微瀉之以當歸身之辛溫大和其血脈此用藥之法備矣

白赤脂一錢燒赤水 乾姜炮四錢 黃柏酒洗五分

柴胡錢一 白龍骨二錢飛 白芍分五

當歸三錢酒洗

右為細末水煮稀糊為丸如雞頭大每服三十丸空心宿食消盡前白泔湯放溫送下無令胃中停住待少時以早饑壓之是不令熱藥犯胃忌生冷硬物與酒濕麪

燥以潤

補真潤腸湯治白帶下陰戶中痛控心而急痛身黃皮緩身重如山陰中如冰一名助陽湯

防風錢一

柴胡一分

良姜錢二

乾姜錢一

陳皮分五

白葵花分七

生黃芩分五

郁李仁

甘草各錢

右為細末剉散只作一服水一盞煎至一盞去香熱服食前

右葵花郁李仁之滑以潤燥蓋枯涸滯着皆宜之

丹摩腰丹治白帶腹痛方見腰痛門甚效

痛而有積者先攻後補

治帶下少腹冤結而痛者先以十棗湯下之次服苦練

丸太玄胡散調之是先攻後補之法也

丹治結痰白帶先於半飢時以津下小曾丹十餘粒服至

鬱積行却用白米四物等藥補之亦先攻後補之藥也

丹胡安人白帶下月經甚多食少倦怠面黃經中如有血

塊者有如筋膜者與參米等補血氣調脾胃後諸症皆退

惟帶未止以樗皮丸主之方見濕熱條

右法治帶下虛而有熱者若虛而有寒脈微面白不澤

無力以言者東垣補經固真湯丁香膠艾湯香桂六合

湯是也

脈滑大有力為實宜攻

子和頃頓立一婦人病帶下連綿不絕白物或來已三載矣命予脈之診其兩手脈俱滑大而有力得六七至常上熱口乾眩暈時嘔酢水余知其實寒痰在胸中以瓜蒂

散吐出冷痰三五升皆酢水也間如黃涎狀如爛膠次以漿粥養其胃氣又次用導水禹攻以瀉其下然後以淡劑滲泄之藥利其水道不數日而愈 息城李左衛之妻病白帶如水効漏中綿綿不絕穢臭之氣不可近面黃食減已三年矣諸醫皆云積冷陽起石硫黃姜附之藥重重燥補汚水轉多戴人斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃涌痰三二升次日下沃水半餘行三遍汗出周身至明自病人云汚已不下矣次用寒涼之劑服及半載產一男仲問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇白乾燥故知之當以溫經湯主之

下利夜熱腹滿為汚血

吳茱萸^{三兩} 當歸 川芎^{各二兩} 芍藥^{各二兩}
 人參 桂枝 阿膠 牡丹皮
 生姜 甘草^{各二兩} 半夏^{半升} 麥門冬^升
 右十二味以水一斗煮取三升分溫三服 亦主婦人少腹寒久不受胎兼又崩中去血或月水來過多及至期不來

丹 赤白帶用五靈脂半生半熟為末酒調服
 大治白帶下

茅花^{一握} 棕櫚灰^三 嫩蓮葉^三 甘草節^錢
 右為細末空心酒方寸匕
 益母散治帶下赤白惡露下不止益母草開花時採搗為細末空心溫酒二錢日三服 香礬散神效^{方見崩中血即醋炒香}
 附灰也

雜方

丹赤白帶皆屬於血有出於大小腸之分黃荆子炒焦爲末米飲調服

又方治白帶用白芷以石灰炒去皮茜草少許粥糊丸服大白芷散治赤白帶下

白芷兩 海鯽蛸二箇 胎髮一團 右爲細末空心溫酒調下二錢

山治赤白帶下舊蓮房爲末入麝香空心米飲下

大治帶下用芍藥炒黑爲末每服三錢七調酒下

丹赤白帶用生狗頭骨燒灰存性酒調服或入藥服

千治帶下溫水和服雲母末三方寸七立見神效

崔氏四花穴治赤白帶如神取穴法見勞瘵門

五赤白帶 中極二寸半赤 白環俞一寸半瀉六 又法 中極 白環俞各五 腎俞二寸半灸

集又法 氣海 中極 白環俞後穴 陽交補灸

東又法 榮池三分灸三十壯在內踝前行 又法 陰

漏陰在內踝下五分 赤帶心術如下赤帶不用此法 氣海六 中極 委中各

分 白帶漸如如如如如 曲骨 承陰各七 中

極在兩 婦人得子多變成白水淋漓而下經久身面虛腫

陰谷二寸 絕骨二寸 海帶病太陰主之灸章門穴麥粒大各三壯效

甲婦人下赤白沃後陰中

閉曲骨主之。女子赤白帶腰胸空之。女子赤滯大赫
 主之。女子絕子陰挺出不禁白瀝上竅主之。女子赤
 白瀝心下積脹次竅主之。女子赤滯時白氣瘰月事少
 中竅主之。女子下蒼汁不禁赤瀝陰中痒痛引少腹控
 少不可俯仰下竅主之。女子赤少腹腫赤白滯時多時
 少及癰主之。月事不利見赤白而有身及前陰寒行間
 主之。女子疝及少腹腫溇泄瀉遺溺陰痛面塵黑目下
 背痛太衝主之。女子依臍疝中封主之。女子疝瘕按
 之如以湯沃兩股中小腹腫陰挺出痛經水來下陰中腫
 或癢瀉清汁若菽羹血閉曲泉主之。婦人下赤白裏急
 瘕瘕五樞主之。

診

腎脈小急肝脈小急心脈小急不鼓皆為瘕。王註云小
急為寒甚不鼓則血不流血不流而寒薄故血內凝而為瘕也

三陽急為瘕三陰急為疝。王註云太陽受寒血聚為瘕太陰受寒氣聚為疝 脈急
 者曰疝瘕少腹痛。象論 脈師曰婦人帶下六極之病脈浮則為腸鳴腹滿此則為
 腹中痛數則為陰中癢痛則生瘡此則陰疼掣痛 婦人
 帶下脈浮惡寒者不治

胎前白帶

濕熱 丹有孕白帶

- | | | | | | | | |
|----|-----|----|----|-----|-----|-----|-----|
| 蒼朮 | 錢三 | 白芷 | 錢二 | 黃連 | 錢炒一 | 黃芩 | 錢炒二 |
| 黃柏 | 錢炒一 | 白芍 | 錢二 | 檮根皮 | 錢炒一 | 山茱萸 | 錢二 |
| | 半 | | 半 | | 半 | | 半 |
- 右為末糊丸空心溫酒下五十九

此處不勝枚舉...
 黃酥...
 香木...
 白...
 三...
 三...
 三...



